

東華錄

康熙十九

臣王先謙敬編

臣潤著恭校

康熙十六年丁巳春正月辛巳 上賜 孝陵啟變○壬午 上

至 孝陵素服率官兵行禮舉哀○甲申 世祖皇帝忌辰

上詣 孝陵致祭○乙酉回鑾○丁亥 上還京師○戊子楊威

大將軍簡親王喇布奏十二月初四日副都統席布遣發官兵屢

敗逆賊嚴君寵於浮梁縣地方招撫偽總兵郭秀等四百餘員賊

兵二萬九千餘名恢復縣城得旨嘉獎下部議敘○江西總督董

衛奏粵逆圍信豐縣於通贛要路堅立木柵斷絕我兵歸路副

將周球等統統官兵奮勇衝殺斬賊兵千餘其溺水死被生擒者

甚衆下○諭敕○江西巡撫佟國楨奏楚粵諸逆前偏南康縣滿

東 康熙十九

洲太... 兩標將士曾同進勦諸賊悉潰餘逆嚴自明等退
湖南安十二月十一日副將許盛統兵進勦殺賊二千有餘核復
南安之上猶縣又贛縣田村地方招降偽總兵劉永祺等五員萬
安縣黃塘地方招降偽總兵張輝等十員兵丁六千七百餘名得
旨嘉獎下部議敘○己丑甯南靖寇大將軍順承郡王勒爾錦奏
將軍穆占抵荊州增撥在荊都統伯宜理市前鋒統領碩岱副都
統托岱翼圖漢軍副都統祖澤純宜思孝及滿洲漢軍邊外蒙古
綠旗官兵共六千餘率赴岳州長沙如賊覘知判州大兵勢分乘
虛侵犯我兵守汛向恐力單他處有警實難應援乞調鄰近滿洲
綠旗官兵移駐荊州以資防守 上諭駐河南府滿洲漢軍蒙古
兵令員外郎頗羅塞統領其自陝西遣發滿洲漢軍兵令原轄將
弁統領俱赴荊州又命鎮東將軍布顏齊駐懷慶○庚寅撫遠太

將軍都統大學士圖海奏臣等前調綠旗官兵本擬於二月內進取漢中興安今將軍侯張勇等咨稱宜視夏秋收穫豐歉再圖進取但漢中興安山峻路險延至彼時適遇澤潦賊守益堅臣等仍欲調兵及時進取得旨大兵卽克復漢中興安須設重兵重兵一設則連餉維艱若俟夏秋進取又頓兵曠日虛糜糧糈今將軍穆占方勦吳逆機不可失大將軍公圖海等暫停漢興之役留滿洲蒙古兵一萬同綠旗兵防守秦州諸隘分兵五千遣大臣一人統赴荊州到日順承郡王等量留官兵防守荊州彝陵諸處乘隙占由岳州長沙進取湖南之時相機渡江破賊○丙申楊威大將軍簡親王喇布奏賊援吉安將軍額楚等率兵迎戰三次失利臣等議調南昌建昌諸處滿漢官兵俟到日協力攻勦奏入下議政王大臣等議奉議 國家開創以來賞罰嚴明攻城野戰無不克捷

今額兵官兵屢敗皆由將懦兵玩大將軍簡縱王喇布等應嚴加處分但見在勦賊俟事平日再議其臨陣先退者卽行拘禁嗣後犯者勿論官員兵丁卽於軍前正法將弁等有觀望不前者削職仍隨大將軍效力喇布既稱調取建昌諸處官兵到日卽宜整頓兵馬勦絕賊援攻拔吉安將軍穆占已於本月十一日抵岳亦應速令相度機宜或攻取岳州或進勦長沙以分賊勢奏入報可仍令戶部侍郎班迪等赴吉安嚴察罪狀以聞○己亥諭刑部律內設方術誘取良人與略賣良人子女者罪止論成爲妻妾子孫者罪止論徒皆不至於死是以犯者頗多且其惡甚於牙販而法輕不足蔽辜著詳議以聞尋議嗣後凡犯誘取典賣或爲妻妾等事不分所誘良賤已賣未賣爲首者立絞爲從者係旗人枷責係民人杖流如止一人卽以爲首論被誘之人和同者俱如爲從之

罪非和同者不坐不知情而典賣者免罪追償給還其以藥物等
項誘取者俱如略誘人例治罪從之○庚子楊威大將軍簡親王
喇布奏來援吉安賊衆於本月初九日夜遁得旨我兵屢戰不利
賊何故遁或因將軍穆占進兵長沙聞風掣回或謀潛襲袁州俱
不可料今吉安已調建昌諸處官兵簡親王喇布等宜乘機速行
攻取吉安至於袁州所繫甚大宜分兵固守勿致疏虞總督董衛
國其檄令總兵官趙應奎協力防禦○征南將軍穆占奏臣等率
兵於正月二十二日由岳州赴長沙深入賊境岳州百里境內宜
發兵千名防守庶無斷後之虞上以穆占進勦湖南旣精選荆
岳之兵率之前發餘兵單薄難以分駐不允所請尋尙善等亦奏
言兵單不便分發上命尙善等作水陸攻戰之勢乘隙進取仍
時探報占兵消息以聞○壬寅以覺羅沙賴爲盛京工部侍郎

由內

閣學
士遷

○征南將軍穆占奏臣抵岳州湘度形勢江湖之間非船不

濟今安徽巡撫遣送沙船四十艘於本月十五日到岳應再發江

南荊州諸處沙船百餘艘齊赴岳州軍前儻長沙未能卽克至三

四月間臣等遣兵取船由洞庭前進或攻或圍均有攸賴若長沙

旣得則安親王及臣等之兵卽乘此船水陸夾攻岳州庶乎有濟

上命京口將軍王之鼎發沙唬船六十艘隨帶礮械水手人役

量配官兵護送至岳州並斬輔所送船足百艘之數以備安親王

岳樂將軍穆占取用○甲辰奉命大將軍康親王傑書奏副都統

伯穆赫林等率領官兵追勦海賊恢復秦甯建甯甯化長汀清流

歸化連城七縣及汀州府城招降僞官七十三員兵丁二千五百

餘名得旨嘉獎下部議敘○丁未以項景襄爲內閣學士

由禮
事遷○

免湖北襄陽宜城等縣去年水災賦

二月戊申朔江西總督董衛國奏僞總兵王霖踞守新城正月十

九日總兵官許貞等統兵進剿恢復縣城招降僞副將劉相等二

十五名得旨嘉獎下部議敘○辛亥以薩穆哈爲內閣學士

由太僕寺

卿

○予浙江陣歿將弁張秉乾潘上吉吳泗范漢臣等廕卹○癸

丑江西巡撫佟國楨奏正月初十日副將周球等率官兵大破海

逆於五里排復會昌縣招降僞總兵楊夢月等得旨嘉獎下部議

敘○乙卯定遠平寇大將軍安親王岳樂奏副都統阿晉泰等率

領滿漢官兵於瀏陽縣擊敗僞總兵解先聲斬首一千餘級生擒

僞遊擊守備等九名下部議敘○丙辰九卿議覆差往驗勘河工

工部尙書冀如錫等奏河臣王光裕曾奏高郵三淺西隄一處偏

近清水潭俟水涸另議興修其餘各工已經相機搶築今看各口

尙未興工詢其何故則以錢糧不足爲辭又奏翟家壩修築之處

亦未築堤以致隄岸屢決地方淹沒又題高郵城南決口三十處堵塞完固今查新隄高寬不及舊隄之半王光裕全無治河之才以致河工潰壞請另簡賢能庶於河道有益應將王光裕革職得旨王光裕著解總河任遣吏部侍郎折爾肯副都御史金鵠前往會同新任總河察審九卿又議冀如錫等奏河道水性靡常全賴隄工捍禦今須亟行修築黃河南岸自白洋河至雲梯關北岸自清河縣至雲梯關及高家壩周家橋翟家壩古溝諸決口其餘潰壞單薄之隄俱宜修築堅固其清口一帶沙淤及連河見受黃流淤澱之處亦應疏濬又自淮至揚兩岸土石隄工清水潭等處決口並宜卽時堵築至歸仁隄石工原有估計錢糧至今尙未修完仍嚴令該管河官速行堵塞其未經估計土隄之口亦應一併興修查黃運兩河關繫運道民生自應修治但所費浩繁一時難以

並舉應令新任河臣酌量緊要處先行修築其歸仁隄未完工程亦速令催完從之○己未 上幸南苑行圍○辛酉諭戶部閩地經海孽擾害又遭逆賊暴征橫斂民困已極今年錢糧盡與蠲免其遭亂竄避人民俱招徠還籍俾各安本業○予故內閣學士穆誠額祭葬○添設岳州水師營總兵官以平魯路參將萬正色充之其標下添設遊擊守備各二千總四把總八撥撫提標兵各五百名及岳州城守原額兵七百名增募兵三百名合二千名為經制○壬戌奉命大將軍康親王傑書奉副都統伯穆赫林等遣兵恢復福建上杭武平永定及江西瑞金等縣招降偽總兵尹雲龍曾顯洪張威及偽副將知縣等官二百十九名贛州一路俱平得旨嘉獎下部議敘○癸亥浙江總督李之芳奏周公源口通衢州處州兩府屬縣地聯江西福建爲三省交界之處閩逆林惟仁統

衆盤踞參將王英等奮力踰險直搗賊巢林惟仁率衆歸順下部
議敘○甲子大閱於南苑○乙丑 上回宮○丙寅先是安遠靖
寇大將軍貝勒尙善等奏今備船百艘遣赴長沙乞添發近地甲
兵每佐領四名以壯兵力先破賊船後遣我船進發得旨將軍穆
占兵於本月初三日已抵長沙賊勢必分順承郡王勒爾錦等宜
乘此機會陝西兵一到卽行渡江儻渡江未便則如貝勒尙善所
請分兵赴岳州其或分兵發往或渡江前進速議以聞至尙善等
前稱造挨牌車輛攻取岳州繼稱水陸齊進乃觀望不前其爲誑
奏明甚今據報岳州賊較前大減添發官兵便可進取若荊州發
兵到日卽宜速取儻仍遷延時日併前罪嚴行議處尋勒爾錦又
請發河南江南綠旗官兵 上不許令遵前旨速議具奏至是勒
爾錦等兩議以聞一議俟陝兵到荆更得綠旗官兵仍行渡江一

議俟陝兵遣發及所請綠旗兵到正值水發之時過江不能無阻
令宜於每佐領四名外再量行添發酌撥船艘遣赴岳州其間若
有機會可乘亦卽酌量而行○上諭今正勦滅吳逆時不可緩宜
自岳州水路夾攻勒爾錦等可於每佐領下簡精兵五名量配船
艘令都統鄂內佩討逆將軍印率赴岳州速行夾勦○浙江總督
李之芳奏江西饒廣二府所屬鉛山興安弋陽貴溪等處盡爲賊
踞以致道路不通遣游擊郭守金等隨勦隨撫恢復鉛山縣城興
安弋陽貴溪三縣百姓踴躍歸命得旨嘉獎下部議敘○丁卯

皇子允祉生○奉命大將軍康親王傑書奏甯海將軍喇哈達平
南將軍賴塔等率領大兵進勦興化正月二十六日連破二十六
營陣斬僞總督趙得勝僞總兵副將等六十二員恢復興化府城
防守仙遊縣僞總兵郭維藩率衆投誠得旨嘉獎下部議敘○遣

刑部郎中色度等至岳州勞問將軍大臣滿漢官兵並宣諭云岳州長沙勢如兩足此蹶則彼不能獨立我國家禁旅徂征戰勝攻克未有如此之相持曠日者也若都統用命於貝勒貝子將弁用命於都統兵卒用命於將弁以次爭先指臂相效何功不成陝西官兵勦力成功今並獲休息諸將士儻能奮勇奏效亦與彼同獎賚官秩朕所不靳其戰守機宜令貝勒貝子會同定議奏聞未幾安遠靖寇大將軍貝勒尚善等奏郎中色度到岳州傳奏諭旨集議水陸攻取岳州可否情形臣等議今者賊有可破機會正宜水陸夾攻但陸路賊備甚嚴應令舟師先發陸兵繼進茲分撥已定俟戰船所用器械整頓完備臣即親統進剿從之○己巳諭兵部進蜀官兵並未平定地方大創賊寇且屢奉溫綸理宜勦力疆場乃至西安布賈名札惑眾既抵隴州又妄行控告不赴平涼我國

家創業以來從未有此行事統兵將領不能約束兵丁肆行不法及至京師敕令首舉倡告之人官兵又互相隱匿不舉殊于法紀此行軍功俱不准議敘尋議政王大臣等奏據都統赫業等取到供狀及將軍穆占咨文西安將軍佛尼勒供詞則官軍棄營敗遁是實宜將左翼四旗並陣亡署護軍統領喀錫泰部下官兵俱行拏問得旨保甯蟠龍山軍營被衝官兵敗遁之處取供含糊其地方又未質對真實且官兵行役勞苦免其究問至署護軍統領喀錫泰陣亡所部官兵棄將領而逃其未受傷官兵俱著拏問○庚午吏部侍郎覺羅舒恕奏吳逆下僞總兵關世榮副將周德先等率僞官五十一員兵丁家口一萬餘名來至贛州軍前投誠下部知之○江西巡撫佟國楨奏海逆僞總兵賴鼎球等率僞官七十員兵一萬餘名投誠下部知之○辛未以靳輔爲河道總督

由

撫巡

○子故福建總督郎廷佐祭葬○癸酉諭議政王大臣等鄂

爾多斯固山貝子達爾扎聞定邊花馬池諸處變叛不待命遣卽
親率官兵招撫城堡擒獲賊渠深爲可嘉其進封爲多羅貝勒○
贈鞏昌殉難同知王扎官廕○甲戌諭議政王大臣等鄂爾多斯
多羅貝勒索諾慕爲國效力齎奏人員應付驛馬不致有誤且提
督陳福請兵不待命遣卽令伊子弟馳赴深爲可嘉其進封爲多
羅郡王○諭議政王大臣等多羅貝勒董額等統率大兵出征秦
中並未能克復疆土撫安百姓貽誤軍機殊負委託可削去董額
多羅貝勒罷議政爲閒散宗室降固山貝子溫齊爲輔國公革云
都統及宗人府右宗人輔國公綽克託罷宗人府右宗人仍罰俸
二年○乙亥 上御經筵

三月戊寅傳宏烈遺吏部侍郎覺羅舒恕書曰孔王女孔四貞曾

向宏烈言無刻不以 太皇太后爲念若降恩綸赦孫延齡罪封
孔四貞爲郡王則可以成事舒恕以聞 上諭兵部鈔錄舒恕奏
疏並傳宏烈移文發督捕理事官麻勒吉俾招撫孔四貞○己卯
奉命大將軍康親王傑書奏二月初九日甯海將軍喇布達等統
領大兵攻克泉州府海賊潰遁陣斬僞虎衛將軍許耀僞總兵六
員僞副將三十一員安撫所屬各縣難民俱令復業得旨嘉獎下
部議敘○楊威大將軍簡親王喇布奏袁臨總兵官趙應奎及署
夸闌大張世薦特爾赫等自袁州分路進剿敗賊於石塘等處下
部議敘○庚辰奉命大將軍康親王傑書奏海賊鄭錦大敗於興
化泉州遂爾喪膽棄漳州海澄而遁海澄僞副將孫紹芳漳州僞
知府程夢蘭等相繼於軍前納款甯海將軍喇哈達等統率大兵
於二月二十日抵漳州遂復府城及海澄等十縣閩地悉平得旨

王統官兵自衢州入仙霞關直抵福州勦撫並用所向克捷擊逐海賊收復全閩安輯百姓克奏膚功深爲可嘉有功人員著議敘具奏○甲申諭議政王大臣等今閩地悉定大將軍安親王圍困長沙已久將軍穆占復帥師進勦將軍鄂內統兵水陸赴岳殲滅吳逆蕩平諸寇在此一舉康親王宜及兵威大振之時分遣官兵同耿精忠兵進取潮州其進勦留守機宜速議以聞又大兵分路進擊逆賊不暇竄竄其授署副都統莽依圖爲鎮南將軍精簡士馬夾攻廣東以副都統額赫納署副都統穆承格參贊軍務令侍郎舒慤量留甲兵同巡撫佟國棟總兵官哲爾肯鎮守贛州諸處至江西建昌諸路大兵俱已撤赴吉安簡親王重士卒甚衆酌撥每佐領兵三名合在贛大兵令莽依圖共選每佐領六七名俟康熙王所議俞旨到贛卽率之前進尋尙之信傳宏烈密奏納款劉

進忠苗之秀各報投誠 上以尙之信等原奏鈔發康親王傑書等令速進廣東未幾奉命大將軍康親王傑書奏福建既平卽欲親統大兵入粵但省會重地未可輕離且自福至漳相距甚遠兵馬到彼必須休息恐遲至炎暑難以進師今漳汀駐守大兵密邇粵境宜選將士有馬者令將軍喇哈達都統賴塔等率之同耿精忠先赴潮州後當遣兵接應 上報可復諭議政王大臣等康親王大兵平閩人馬勞頓難以深入粵地令酌分官兵前赴潮州若劉進忠等迎降暫駐彼地卽移檄尙之信和之仍趣莽依圖兵速進廣東○諭兵部前原任將軍赫業瓦爾喀等於蟠龍山爲賊衝營一案並未審明口供確驗地方造具清冊冀圖蒙混今大將軍簡親王喇布等又將吉安軍情不行嚴審取供殊屬不合我國軍法嚴明從無苟且怠玩之弊嗣後各將軍應查明官軍功罪確